

Ո Ր Ո Շ ՈՒ Մ

2019 թվականի հուլիսի 3-ի N 2-Լ

Լսելով աշխատակազմի և միջազգային համագործակցության հարցերով պրոռեկտոր Արա Երեմյանի «Մանկավարժական կրթությունը թվային հասարակությունում. մարտահրավերները, խնդիրները, հեռանկարները» խորագրով միջազգային մեդիաֆորումի արդյունքների մասին հաղորդումը՝

Գիտական խորհուրդը որոշում է.

1. ԱՊՀ երկրների և Չինաստանի Ժողովրդական Հանրապետության առաջատար մանկավարժական բուհերի մասնակցությամբ 2019թ. հունիսի 6-ին և 7-ին կայացած «Մանկավարժական կրթությունը թվային հասարակությունում. մարտահրավերները, խնդիրները, հեռանկարները» խորագրով միջազգային մեդիաֆորումի արդյունքների մասին աշխատակազմի և միջազգային համագործակցության հարցերով պրոռեկտոր Արա Երեմյանի հաղորդումը ընդունել ի գիտություն:

2. Հավանություն տալ ԱՊՀ երկրների և Չինաստանի Ժողովրդական Հանրապետության կրթական տարածքում Մոսկվայի մանկավարժական պետական համալսարանի հանրային խորհրդի՝ որպես ԱՊՀ երկրների մանկավարժական կադրերի պատրաստման բազային կազմակերպության՝

ա/ մանկավարժական կրթության մասին հանրային զեկույցին,

բ/ թվային մանկավարժական համալսարանի և թվային դպրոցի ռազմավարության նախագծին:

3. Խաչատուր Աբովյանի անվան հայկական պետական մանկավարժական համալսարանին գործադրել անհրաժեշտ միջոցներ թվային հասարակությունում մանկավարժական կրթությունը փոխակերպելու գործընթացին մասնակցելու ուղղությամբ:

4. Ըստ ապագայում քննարկվող հարցերի հաջորդականության՝ հանդես գալ մանկավարժական համալսարանների և կրթական գործընթացների թվայնացման

ճանապարհային քարտեզին վերաբերող առաջարկներով, մասնավորապես, բայց չսահմանափակվելով՝

- հեռահաղորդակցության տիրույթում՝ ինտերնետային ամպում բուհերի, գիտական կենտրոնների, շահակից կազմակերպությունների, հանրակրթական և միջին մասնագիտական կրթության ոլորտի կազմակերպությունների փոխազդեցության հիմնական սխեման մշակելու մասին,

- ցանցային և կլաստերային կրթության արդյունավետ կառավարման համար գիտական և կրթական լաբորատորիաների կոլեկտիվ օգտագործման կենտրոնների կառավարման էլեկտրոնային համակարգեր ստեղծելու հնարավորությունների մասին,

- իրավական կարգավորումների վերաբերյալ,

- շահառուների շրջանում համապատասխան մակարդակի հմտությունների ձևավորման վերաբերյալ:

**ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝**

**ՌՈՒԲԵՆ ՄԻՐԶԱԽԱՆՅԱՆ**